



Publicaziuns dalla vischnaunca, jamna 21

Damondas da baghegiar

2023-1033.000

Datum dalla publicaziun: 26 da matg 2023

Patrun: Theodosius Sialm, Via Iert 6, 7186 Segnas
Representant: BeerBigliel SA, Via Alpsu 49, 7180 Disentis/Mustér
Intenziun: Niev cundrez fotovoltaic en fuorma d'ina seiv
Parcella: 112
Adressa: Via Iert 6, 7186 Segnas
Zona: Zona dil vitg
Zona da prighel: Negina
Plan general da formaziun: Areal da habitadis protegi generalmein

2023-1048.000

Datum dalla publicaziun: 26 da matg 2023

Patruna: Benediktinerabtei Kloster Disentis, Via Claustra 1, 7180 Disentis/Mustér
Representant: electro cadi SA, Via Claustra 2, 7180 Disentis/Mustér
Intenziun: Niev indrez fotovoltaic el liber
Parcella: 580
Adressa: Via Sogn Sigisbert, 7180 Disentis/Mustér
Zona: Zona per stabiliments ed indrezs publics
Zona da prighel: Negina

Protestas:

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'instanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Uffeci da baghegiar Disentis/Mustér

Center da rimnada a Raveras – Nova stadera e pressa

Temps d'avertura matg/zercladur

Muort lavurs da manteniment e lavurs per l'installaziun dil niev sistem da pesar cun ina pressa pils rufids blocconts resta il center da rimnada a Raveras serraus durant ils suandonts dis:

– mesjamna, ils 31 da matg 2023 entochen ils 3 da zercladur 2023

La part dils rufids blocconts resta plinavon serrada entochen ils 11 da zercladur 2023, igl ulteriur ei aviert sco usitau.

Naven digl 1. da zercladur dat ei buca pli las muldas da rimnada da rufid bloccont e lenna. Tals rufids vegnan rimnai cun ina nova stadera e pressa. Tier quella stadera sa vegnir pagau cun ils mieds pli moderns sco: carta dad EC, carta da credit e Postfinance sco era Twint. Durant ils 12 entochen ils 23 da zercladur stat ina persuna d'instrucziun mintgamai il suentermiezdi allas 14.00-17.00 uras (gliendisdis entochen venderdis) a disposiziun en cass da damondas.

Plinavon supplichein nus da purtar egl avegnir al center da rimnada Raveras rufids blocconts e lenna mo en pigns quantums, pli grondasargas ein per tuts in avantatg da dismetter a Rueun ni tiar fatschentas specialisadas per quei intent.

Bien engraziament per Voss'enconuschientscha.

Uffeci d'infrastructura e baghegiar



Carta per indigens 2023

Legreivlamein san las duas vischnauncas da Mustér e Tujetsch presentar cun la carta gratuita per indigens era uonn ina purschida fetg attractiva.

Tgi sa retrer la carta per indigens?

Tuttas personas naven da sis onns ensi cul domicil permanent da habitar e che pagan taglia ellas vischnauncas da Mustér e Tujetsch han il dretg da retrer gratuitamein ina carta per indigens.

Prestaziun

La carta per indigens legitimescha duront tschun differents dis enteifer il temps da menaschi entochen igl october 2023 da far diever gratuitamein dallas pendicularas Caischavedra / Cuolm da Vi / Schneehüenerstock / Gütsch (max. duas pendicularas per di).

IMPURTONT:

La carta per indigens ei da returnar sil pli tard **entochen la fin da november 2023** al spurtegl dallas administraziuns communalas dallas vischnauncas da Tujetsch e Mustér.

La carta ei persunala e buca transmissibla.

Suprastonza communalala

Votaziun all'urna dils 18 da zercladur 2023

La suprastonza communalala ei perschudadida ch'il project dalla punt pendent porta a nossa vischnaunca sco era alla regiun ina plivalur turistica ed economica. Plinavon ei la punt ina colligaziun segira ed independenta dil traffic d'autos per Mumpé Medel.

La contribuziun dalla vischnaunca da maximalmein frs. 390'000 (excl. cuosts da planisaziun da frs. 90'000) ei finanzielmein supportabla ed en cumparegliaziun cun l'investiziun totala dad frs. 1'900'000 mudesta. Cun immens engaschi voluntari ha l'uniun sut l'egida dil giuven Christian Loretz saviu recaltgar rodund frs. 1'400'000, quei che mereta nies sincer sustegn. Era ils cuosts da menaschi annuals calculai cun frs. 10'000 ein per nossa vischnaunca en quei rom acceptabels. Plinavon eisi da menziunar claramein che quella contribuziun unica ni periclitescha ni retarda auters projects ch'ei sin rucca.

La suprastonza communalala sustegn l'iniziativa privata e propona alla populaziun da conceder la contribuziun necessaria per che la realisaziun da quell 'attractiva purschida en nossa vischnaunca sappi cuntinuar.

Engraziel fetg per Vies sustegn.

Suprastonza communalala

PREAVIS

Medel-Mustér-Tujetsch s'entaupan ella Academia Vivian a Stagias

Cultura, cant e musica da mintga vischnaunca accumpignau cun specialitads culinaricas.

Sontgilcrest, ils 8 da zercladur 2023 allas 16.00

Il transport vegn organisaus entras las vischnauncas. Nus supplichein Vus da s'annunziar entochen gliendisdis ils 5 da zercladur 2023 tier l'administraziun communalala, Carmen Wetzel sin 081 920 36 36 ni cwetzel@disentis.ch.

Il program detagliau vegn repartius en fuorma d'in fegl sgulont.

La sentupada ha liug mo da bialaura. En cass da dubidat nr. 1600 (rubrica 1) sclariment.

Nus selegrein gia oz sin ina sentupada dalla Sursassiala.

Suprastonza communalala



PREAVIS

Medel-Mustér-Tujetsch

s'entaupan ella Academia Vivian a Stagias

Cultura, cant e musica da mintga vischnaunca accumpignau cun specialitads culinaricas.

Sontgilcrest, ils 8 da zercladur 2023 allas 16.00

Il transport vegn organisau entras las vischnauncas. Nus supplichein Vus da s'annunziar entochen gliendisdis, ils 5 da zercladur 2023 tier l'administraziun communal, Carmen Wetzel sin 081 920 36 36 ni cwetzel@disentis.ch.

Il program detagliau vegn repartius en fuorma d'in feagl sgulont.

La sentupada ha liug mo da bialaura. En cass da dubi dat nr. 1600 (rubrica 1) sclariment.

Nus selegrein gia oz sin ina sentupada dalla Sursassiala.

Suprastonza communal Disentis/Mustér

Serrada senda dils Laruns

Muort lavurs da raccolta da lenna resta la senda dils Laruns sco era la Via Tiolas serrada naven d'immediat entochen ils 31 da matg 2023.

Per prevegnir ad accidents supplichein nus vischinas e vischins d'observar las directivas signalisadas. Bien engraziament per la capientscha.

Disentis/Mustér, ils 26 d'avrel 2023

Uffeci forestal Disentis/Mustér

Dumbraziun dallas habitaziuns vitas

Igl uffeci federal da statistica meina puspei atras ina dumbraziun dallas habitaziuns vitas. Possessurs da casas ni administraziuns d'immobillas che han pigl 1. da zercladur 2023 habitaziuns ni casas d'ina famiglia vitas ein obligai da comunicar quei per telefon 081 920 36 36 ni a scret all'administraziun communal entochen sil pli tard ils **2 da zercladur 2023**.

Sco habitaziuns vitas el senn da quella dumbraziun vegnan quintadas tut las habitaziuns mobiliadas ni buca mobiliadas, las qualas adempleschan las suandontas duas cundiziuns:

- habitaziuns ni casas d'ina famiglia ch'ei pil di dacontrolla (01-06-2023) vitas, denton habitablas e
- ch'ei pil di da controlla (01-06-2023) screttas ora per schar a tscheins permanentamein per minimalmein treis meins ni venalas.

Nus engraziein per la cooperaziun.

Administraziun communal

Administraziun communal

Muort il firau da **gliendisdis Tschuncheismas, ils 29 da matg 2023** resta l'administraziun communal **serrada quei di**.

Bien engraziament per Vossa capientscha.

Administraziun communal



Controlla da habitonts

Mortori

Adelheid Huonder-Huonder, naschida ils 12 da december 1932, morta ils 18 da matg 2023.

Administraziun communal

Infurmaziun: Impediments da traffic sin la via sursilvana tranter Sumvitg e Mustér

La Viafier retica exequescha lavurs da fixaziun dal grip e mesiras da protecziun cunter crudadas da crappa sin la via sursilvana en il territori dal Grep da Ferm.

Dals **5 da zercladur fin ils 15 da fanadur** datti perquai impediments e temps da spetga fin 30 minutas sin la via sursilvana H19, e quai mintgamai davent da gliendisdi saira fin la sonda en damaun da las 22.00 fin las 05.30.

Per infurmaziuns stat la direcziun locala da construcziun, la firma tur ScRL, a disposiziun sut il numer 078 843 93 84.

La Viafier retica e l'Uffizi da guaud e privels da la natira engrazian per Vossa chapientscha.

Viafier retica Uffizi da guaud e privels da la natira

Hinweis Verkehrsbehinderungen Oberalpstrasse zwischen Sumvitg und Disentis/Mustér

Die Rhätische Bahn führt auf der Oberalpstrasse im Gebiet Grep da Ferm Felssicherungs- und Steinschlagschutzmassnahmen aus.

Vom **5. Juni bis 15. Juli** kommt es deshalb jeweils von Montagabend bis Samstagmorgen von 22.00 bis 05.30 Uhr zu Behinderungen und Wartezeiten bis 30 Minuten auf der Oberalpstrasse H19.

Für Auskünfte steht die örtliche Bauleitung, tur GmbH, unter Tel. 078 843 93 84, zur Verfügung.

Die Rhätische Bahn und das Amt für Wald und Naturgefahren danken für Ihr Verständnis.

Rhätische Bahn Amt für Wald und Naturgefahren

Onn da scola 2023/24 – uraris e transports

Preziai geniturs, cars affons

Ils uraris da scola ed igl urari dils transports pil proxim onn da scola 2023/24 anfleis Vus sin la homepage da nossa scola: nossascola.org.

Ils geniturs dils affons da Segnas, Buretsch, Cuoz e Mompé Tujetsch dalla emprema scoletta 23/24 ston era UONN BUCA s'annunziar alla staziun da Mustér pigl abbonament dalla MGB.

Nus engraziein a Vus cordialmein per la fetg buna collaboraziun e Vies grondius sustegn duront igl onn da scola che va alla fin.

Da cor bialas e suleglivas vacanzas da stad!

Cordials salids e sin bien seveser

Nossa scola populara Mustér



Chor mischedau Las vuschs dil Rein

Claudio Simonet ensemen cun ver 30 cantaduras e cantadurs selegran da Vossa viseta da nies concert da primavera «sin viadi» **dumengia, ils 11-6-2023** allas 16.00 en halla Cons. Sunter concert lein nus tgirar nos contacts persunals cun ina pintga stiva da caffè.

Tir campester cun pistola

«Pre campester»

Sonda, ils 27-05-2023 denter las 18.00 – 20.30

Gliendisdis, ils 29-05-2023 denter las 18.00 – 20.30

Campester

Venderdis, ils 2-06-2023 denter las 18.00 - 20.30 e

sonda, ils 3-06-2023 denter las 9.00 – 12.00 e las 13.30 - 17.00

ha liug el stan da sittar a Sars Sut a Mustér il tir campester cun pistola.

Il tir ei per tuts gratuits ed armas ein a disposiziun.

Club da pistola Cadi

Ludoteca Disentis/Mustér e contuorn

Di naziunal da giugs

Sonda, ils 3 da zercladur 2023, naven dallas 13.30 – 16.30 en halla Cons.

• casti da siglir • giugs per pigns e gronds, en spezial UNO • giugs per endadens ed ordaviert • vehichels per far rundas • pettas e bubrondas.

La Ludoteca ei aviarta!

GRATUIT: abo da fuffernadi

Invitaziun SENIORA-CA

Gievgia, ils 1 da zercladur 2023 allas 13.45 en PUNTREIS

Tema: «Dalla launa al bategl». Beat Cajacob demonstrescha per nus ils principals pass. El di: jeu fagevel gia da pign caltschiel - ussa aunc adina - MO jeu cumprel buca pli il fil - MOBEIN la launa direct dalla nuorsa ni alpaca e lavel, scarsinel, filel, dun colur e fetgel novs bategls!!»

Cordial beinvegni - team Seniora-Ca

Preavis: Gievgia, ils 22 da zercladur 2023 - excursiun si l'Academia Vivian cun film, petta e caffè - invitaziun suonda.

Meisa da miezdi organisada da SENIORA-CA e PUNTREIS

Entschatta: allas 12.15 en l'Ustria PUNTREIS. Gentar cun treis tratgas inclusiv aua dalla spina ed 1 caffè.

Annunzia entochen allas 9:00 uras dil di alla PUNTREIS (081 929 56 56). La meisa da miezdi ei aviarta per mintgin/a.

Post d'informaziun Seniora-Ca



Uniun da dunnas Disentis/Mustér

Sentupada cun affons pigns e geniturs

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **mardis, ils 30.05.2023**
Temps: 15.00 - 16.30
Liug: Casa da scola Segnas, local artgin, ella 1 alzada
Prender cun: marena e scalfins

Ulteriuras informaziuns e datums anfleis Vus sut www.uddm.ch

Cordialmein envida

Uniun da dunnas, ressort affons
